



БАЙГАЛЬ ОРЧИН, АЯЛАЛ ЖУУЛЧЛАЛЫН ЯАМ
ДОТООД АУДИТЫН ХОРООНЫ
ТОГТООЛ

2019 оны 06 сарын 26 өдөр

Дугаар 19.

Улаанбаатар хот

┌ Дотоод аудитын дүнгийн тухай ─┐

Монгол улсын Засгийн газрын 2015 оны 483 дугаар тогтоолоор батлагдсан “Дотоод аудитын дүрэм”, Сангийн сайдын 2019 оны 29 дүгээр тушаалаар батлагдсан “Дотоод аудитын хорооны дүрэм”-ийн 3.6, 4.1.2 дахь заалт, Байгаль орчин, аялал жуулчлалын яамны Дотоод аудит, санхүүгийн хяналт шалгалтын 2019 оны үйл ажиллагааны төлөвлөгөөнд тусгагдсаны дагуу Төсвийн ерөнхийлөн захирагчийн баталсан удирдамжийн хүрээнд Байгаль орчин, аялал жуулчлалын сайдын багцын харьяа 10 байгууллагын 2015-2018 он, 2019 оны нэгдүгээр улирлын төсвийн төлөвлөлт, зарцуулалт үр дүн, тайлагналт, төсөв санхүүгийн холбогдолтой хууль тогтоомжийн хэрэгжилт, санхүүгийн үйл ажиллагаанд дотоод аудит, санхүүгийн хяналт шалгалт хийсэн дүнг хэлэлцээд дотоод аудитын хорооны хурлаас ТОГТООХ нь:

1. Сайдын багцын харьяа 10 байгууллагын 2015-2018 он, 2019 оны нэгдүгээр улирлын төсвийн төлөвлөлт, зарцуулалт үр дүн, тайлагналт, төсөв санхүүгийн холбогдолтой хууль тогтоомжийн хэрэгжилт, санхүүгийн үйл ажиллагаанд дотоод аудит, санхүүгийн хяналт шалгалт хийсэн дүгнэлт, зөвлөмжийг хавсралтаар баталсугай.

2. Зөвлөмжийн хэрэгжилтийг ханган ажиллаж, авч хэрэгжүүлсэн арга хэмжээний биелэлтийг 2019 оны 09 дүгээр сарын 01-ний дотор Хяналт-шинжилгээ, үнэлгээ, дотоод аудитын газарт ирүүлэхийг Тусгай хамгаалалттай нутгийн удирдлагын газрын даргын албан үүргийг түр орлон гүйцэтгэгч Э.Сансарбаярт үүрэг болгосугай.

3. Дотоод аудитын ажлын тайлан, Дотоод аудитын хорооны тогтоолыг холбогдох албан тушаалтанд хүргүүлж, зөвлөмжийн биелэлтийн хэрэгжилтэд хяналт тавин ажиллаж, Дотоод аудитын хорооны хуралд үр дүнг танилцуулахыг Хяналт-шинжилгээ, үнэлгээ, дотоод аудитын газрын дарга В.Жавзанд даалгасугай.

ХОРООНЫ ДАРГА



Н.ЦЭРЭНБАТ

Дотоод аудитын хорооны 2019 оны
06 дугаар сарын 16-ны өдрийн
19 дугаар тогтоолын хавсралт

ТУСГАЙ ХАМГААЛАЛТТАЙ НУТГИЙН УДИРДЛАГЫН ГАЗРЫН
ДАРГЫН АЛБАН ҮҮРГИЙГ ТҮР ОРЛОН ГҮЙЦЭТГЭГЧ Э.САНСАРБАЯРТ

1. Хөвсгөлийн улсын тусгай хамгаалалттай газрын хамгаалалтын захиргаа нь 1770001044 улсын бүртгэлийн дугаартай, 2006 оны 05 дугаар сарын 29-ны өдөр Хөвсгөл аймгийн Хатгал тосгоны тусгай хамгаалалтын алба нэртэйгээр, тамга тэмдэг ашиглаж байгаа хууль зөрчсөн үйлдлийг таслан зогсоож, 2019 оны 08 дугаар сарын 01-ны дотор нэр, гэрчилгээ, тамга тэмдэгт өөрчлөлт оруулан хуульд нийцүүлэн шийдвэрлэж танилцуулахыг Төрийн захиргааны удирдлагын газрын даргын албан үүргийг түр орлон гүйцэтгэгч Л.Эрдэнэбулган нарт үүрэг болгон хамтран хэрэгжүүлэх;

2. Хөвсгөл аймаг дахь Шийдвэр гүйцэтгэх албанаас 2013 оны 07 дугаар сарын 17-ны өдрийн “Татвар төлөгчөөс хураан авсан эд хөрөнгийг төлбөр авагчид болон төлөгчид шилжүүлсэн тухай акт”-аар Хөвсгөл аймгийн Хатгал тосгоны төвд байрлалтай, V-1701000077 дугаар бүртгэлтэй үйлчилгээний зориулалттай 10x30 харьцаатай палкан байшин, 1 га газрын хамт Хөвсгөлийн улсын тусгай хамгаалалттай газрын хамгаалалтын захиргаа хүлээн авсан асуудлыг хууль тогтоомжийн хүрээнд шийдвэрлэн танилцуулахыг ТЗУГын даргын албан үүргийг түр орлон гүйцэтгэгч Л.Эрдэнэбулган нарт үүрэг болгон хамтран хэрэгжүүлэх;

3. Засгийн газрын 2016 оны 176 дугаар тогтоолоор батлагдсан “Гадаадын тусламж авах, зарцуулах, удирдах, бүртгэх, тайлагнах журам”-ын дагуу Олон улсын Тахь групп, Прагийн зоопаркийн төслийн санхүүжилт, үйл ажиллагаанд хяналт тавих асуудлыг Төрийн захиргааны удирдлагын газрын даргын албан үүргийг түр орлон гүйцэтгэгч Л.Эрдэнэбулгантай хамтран шийдвэрлэж, Дотоод аудитын хорооны дарга буюу Байгаль орчин, аялал жуулчлалын Сайдад танилцуулах, 2019 онд багтаан санхүүгийн хяналт шалгалт, аудит оруулах, гэрээг дүгнэж үр дүнг танилцуулах;

4. Харьяа байгууллагуудын төрийн захиргааны албан хаагч болон байгаль хамгаалагчдыг Төрийн албаны тухай хуулийн дагуу төрийн албан хаагчийн нээлттэй сонгон шалгаруулалтыг зарлаж, тангараг өргүүлэх асуудлыг нэгдсэн байдлаар зохион байгуулж шийдвэрлэх;

5. Монгол улсын Улсын Их Хурлын 2016 оны 47, 2017 оны 29, Засгийн газрын 2002 оны 200, 2014 оны 147 дугаар тогтоолууд болон “Төрийн албаны сахилга хариуцлага, дэг журмыг чангатгах тухай” Монгол Улсын Засгийн газрын 2018 оны 258 дугаар тогтоолыг биелүүлэн ажиллаж байгууллагын санхүүгийн сахилга батыг сайжруулан, өгсөн зөвлөмжийн дагуу тодорхой ажил зохион байгуулж зөвлөмжийн биелэлтийг албан бичгээр 2019 оны 09 дүгээр сарын 01-ний дотор Хяналт-шинжилгээ, үнэлгээ, дотоод аудитын газарт ирүүлэх, ирүүлээгүй тохиолдолд хууль тогтоомжийн дагуу хариуцлага тооцон ажиллахыг зөвлөж байна.

ДОТООД АУДИТЫН ХОРОО